

ՄԵԾԱՄՈՐԻ ՀԱՄԱՅՆՔԱՊԵՏԱՐԱՆԻ ԿԱՐԻՔՆԵՐԻ ՀԱՄԱՐ ԱՊՐԱՆՔԻ ՄԱՏԱԿԱՐԱՐՄԱՆ ՊԱՅՄԱՆԱԳԻՐ

N ՀՀԱՄՄՀ-ԳՀԱՊՁԲ-22/36-1

ք. Մեծամոր

«14» 09 2022թ.

Մեծամորի համայնքապետարանը ի դեմս համայնքի ղեկավար՝ Վ. Խաչատրյանի, ով գործում է ընկերության կանոնադրության հիման վրա, այսուհետ «Գնորդ», մի կողմից, և «ՕՐԳԱՆԻԿ ՄԻՆԻ-ԲՈՐՍԱ» ՍՊԸ-ը, ի դեմս տնօրեն Մ. Ալոյանի, որը գործում է ընկերության կանոնադրության հիման վրա, այսուհետ «Վաճառող» մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1. Վաճառողը պարտավորվում է սույն պայմանագրով (այսուհետ՝ պայմանագիր) սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ Տեխնիկական բնութագիր-գնման ժամանակացույցով նախատեսված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Գնորդին իրավունք ունի՝

2.1.1 Ապրանքը պայմանագրով սահմանված ժամկետում Վաճառողի կողմից չմատակարարելու դեպքում հրաժարվել ապրանքից, եթե մատակարարման ժամկետները խախտվել են 10 օրից ավելի:

2.1.2 Եթե հանձնվել է անպատշաճ որակի՝ պայմանագրով նախատեսված տեխնիկական բնութագրին չհամապատասխանող ապրանք՝

ա) պահանջել հատուցելու ապրանքի անպատշաճ որակի լինելու պատճառով իր կատարած ծախսերը:

բ) չընդունել ապրանքն՝ իր հայեցողությամբ սահմանելով անպատշաճ որակի ապրանքը պայմանագրին համապատասխանող որակի ապրանքով անհատուց փոխարինման ողջամիտ ժամկետ և պահանջել Վաճառողից վճարելու պայմանագրի 6.3 կետով նախատեսված տուգանքը:

գ) հրաժարվել պայմանագիրը կատարելուց և պահանջել վերադարձնելու ապրանքի համար վճարված գումարը:

2.1.3 Եթե հանձնվել է պայմանագրով որոշվածից պակաս քանակի ապրանք, ապա՝

ա) պահանջել լրացնելու ապրանքի պակաս հանձնված քանակը:

բ) հրաժարվել հանձնված ապրանքից և դրա համար վճարելուց, իսկ եթե ապրանքի համար վճարվել է, ապա պահանջել վերադարձնելու վճարված գումարը և վճարելու պայմանագրի 6.2 կետով նախատեսված տույժը:

2.1.4 Եթե հանձնվել է տեսակի պայմանի խախտմամբ ապրանք, իր ընտրությամբ՝

ա) ընդունել տեսակի վերաբերյալ պայմանին համապատասխանող ապրանքը և հրաժարվել մնացած ապրանքներից:

բ) հրաժարվել հանձնված բոլոր ապրանքներից և պահանջել վճարելու պայմանագրի 6.2 կետով նախատեսված տույժը:

գ) պահանջել տեսակի վերաբերյալ պայմանին չհամապատասխանող ապրանքի անհատուց փոխարինում պայմանագրով նախատեսված տեսակին համապատասխան ապրանքով:

2.1.5 Վաճառողի կողմից մատակարարման ժամկետների խախտման դեպքում իր հայեցողությամբ սահմանել ապրանքի մատակարարման նոր ժամկետ և պահանջել Վաճառողից վճարելու պայմանագրի 6.2 կետով նախատեսված տույժը:

2.1.6 Վաճառողից պահանջել հատուցելու վնասները, եթե Գնորդը Վաճառողի կողմից պարտավորությունը խախտելու հետևանքով պայմանագրի լուծումից հետո ողջամիտ ժամկետում այլ անձից ավելի բարձր, սակայն ողջամիտ գնով գնել է ապրանք՝ պայմանագրով նախատեսվածի փոխարեն՝ պայմանագրով սահմանված և դրա փոխարեն կնքված գործարքի գների միջև տարբերության չափով, ինչպես նաև ապրանքն այլ անձից ձեռք բերելու համար իր կատարած բոլոր անհրաժեշտ և ողջամիտ ծախսերը:

2.1.7 Միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը:

2.1.7.1 Վաճառողի կողմից պայմանագիրը խախտելն էական է համարվում, եթե՝

ա) մատակարարվել է անպատշաճ որակի ապրանք որը չի կարող փոխարինվել Գնորդի համար ընդունելի ժամկետում:

բ) ապրանքի մատակարարման ժամկետները խախտվել են 10 օրից ավելի,

2.1.8 Ձևնել ապրանքը և հայտնաբերված թերությունների մասին անհապաղ տեղեկացնել Վաճառողին:

## **2.2 Գնորդը պարտավոր է՝**

2.2.1 Կատարել պայմանագրին համապատասխան մատակարարված ապրանքի ընդունումն ապահովող բոլոր անհրաժեշտ գործողությունները:

2.2.2 Վաճառողի հանձնած ապրանքից պայմանագրին համապատասխան հրաժարվելու դեպքում, ապահովել այդ ապրանքի պատասխանատու պահպանությունը և դրա մասին անհապաղ տեղեկացնել Վաճառողին:

2.2.3 Պայմանագրով նախատեսված կարգով և ժամկետներում մատակարարված ապրանքն ընդունելու դեպքում Վաճառողին վճարել վերջինիս վճարման ենթակա գումարները, իսկ վճարման ժամկետի խախտման դեպքում՝ նաև պայմանագրի 6.5 կետով նախատեսված տույժը:

2.2.4 Ապրանքի քանակի, տեսականու, որակի մասին պայմանագրի պայմանները խախտելու մասին Վաճառողին ծանուցել թերությունը հայտնաբերելուց հետո անմիջապես կամ այն բանից հետո՝ ողջամիտ ժամկետում, երբ պայմանագրի համապատասխան պայմանի խախտումը պետք է հայտնաբերված լիներ՝ ելնելով ապրանքի բնույթից և նշանակությունից:

2.2.5 Պայմանագրի 2.3.3 կետի համաձայն պայմանագրի լուծումից հետո Վաճառողին հատուցել վերջինիս պատճառված և սահմանված կարգով հիմնավորված վնասները:

## **2.3 Վաճառողն իրավունք ունի՝**

2.3.1 Գնորդից պահանջել ընդունելու պայմանագրով նախատեսված կարգով, ծավալներով, ժամկետներում և հասցեով մատակարարված ապրանքը:

2.3.2 Գնորդից պահանջել վճարելու պայմանագրով նախատեսված կարգով, ծավալներով, ժամկետներում և հասցեով մատակարարված և Գնորդի կողմից ընդունված ապրանքի համար իրեն վճարման ենթակա գումարները:

2.3.3 Միակողմանի լուծել պայմանագիրը (լրիվ կամ մասնակի), եթե Գնորդն էականորեն խախտել է պայմանագիրը:

2.3.3.1 Գնորդի կողմից պայմանագիրը խախտելն էական է համարվում, եթե բազմիցս խախտվել են ապրանքի համար վճարելու ժամկետները:

2.3.4 Գնորդի համաձայնությամբ վաղաժամկետ մատակարարել ապրանքը:

## **2.4 Վաճառողը պարտավոր է՝**

2.4.1 Գնորդին հանձնել ապրանքը՝ պայմանագրով նախատեսված կարգով, ծավալներով, ժամկետներում և հասցեով:

2.4.2 Ապահովել ապրանքի մատակարարումը պայմանագրի 2.1.2 կետի բ) ենթակետին և (կամ) 2.1.5 կետին համապատասխան՝ Գնորդի կողմից սահմանված ժամկետներում:

2.4.3 Գնորդին հանձնել երրորդ անձանց իրավունքներից ազատ ապրանք:

2.4.4 Գնորդին հանձնել պայմանագրով նախատեսված որակի և քանակի ապրանք՝ պայմանագրով նախատեսված ժամկետներում և հասցեով, իսկ Գնորդի պահանջով տրամադրել ապրանքի որակը հավաստող՝ ՀՀ օրենսդրությամբ սահմանված փաստաթղթեր:

2.4.5 Թերի մատակարարում թույլ տալու դեպքում, պայմանագրով նախատեսված կարգով, լրացնել թերի մատակարարվածը:

2.4.6 Հետ տանել Գնորդի կողմից պայմանագրի 2.2.2 կետին համապատասխան՝ պատասխանատու պահպանության ընդունված ապրանքը կամ ողջամիտ ժամկետում տնօրինել այն, ինչպես նաև հատուցել ապրանքը պատասխանատու պահպանության ընդունելու, այն իրացնելու կամ Վաճառողին վերադարձնելու հետ կապված անհրաժեշտ ծախսերը:

2.4.7 Պայմանագրով նախատեսված դեպքերում վճարել պայմանագրի 6.2 և 6.3 կետերով նախատեսված տույժը և տուգանքը:

2.4.8 Գնորդին հանձնել ապրանքի պատկանելիքները և համապատասխան փաստաթղթերը:

2.4.9 Պայմանագրի 2.1.7 կետի համաձայն պայմանագրի լուծումից հետո Գնորդին հատուցել վերջինիս պատճառված և սահմանված կարգով հիմնավորված վնասները:

2.4.10 Որակավորման և պայմանագրի ապահովում ներկայացրած անձը պարտավոր է ապահովումների գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Գնորդին:

## **3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ**

3.1 Պայմանագրի գինը կազմում է 47,400,000.00 (քառասունյոթ միլիոն չորս հարյուր հազար) ՀՀ դրամ, առանց ԱԱՀ-ն (Վաճառողի հավաստմամբ վերջինս չի հանդիսանում ԱԱՀ վճարող): Պայմանագրի գինը ներառում է պայմանագրի կատարումն ապահովելու նպատակով Վաճառողի կողմից կատարվելիք բոլոր վճարները (ծախսերը), այդ թվում՝ հարկերը, տուրքերը, փոխադրման, ապահովագրման ծախսերը, պարգևավճարները և ակնկալվող շահույթը:

Ապրանքի մատակարարման գինը կայուն է և Վաճառողն իրավունք չունի պահանջել ավելացնելու, իսկ Գնորդը նվազեցնելու այդ գինը:

3.3 Գնորդն իրեն մատակարարված ապրանքի դիմաց վճարում է ՀՀ դրամով անկանխիկ՝ դրամական միջոցները Վաճառողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված ամիսներին:

Ընդ որում վճարում կատարելու նպատակով հանձնման-ընդունման արձանագրությունն ստորագրվելու օրվանից հետո 3 աշխատանքային օրվա ընթացքում գնորդը վճարման հանձնարարագիրը և հանձնման-ընդունման արձանագրության պատճենը մուտքագրում է լիազորված մարմնի գանձապետական համակարգ, իսկ սահմանված կարգի համաձայն ներկայացված փաստաթղթերի հիման վրա լիազորված մարմինը տվյալ վճարումը կատարում է հանձնման-ընդունման արձանագրությունը գանձապետական համակարգ մուտքագրված լինելու դեպքում՝ սույն պայմանագրի վճարման ժամանակացույցով սահմանված ժամկետներում, հինգ աշխատանքային օրվա ընթացքում:

#### 4. ԱՊՐԱՆՔԻ ՈՐԱԿԸ ԵՎ ԵՐԱՇԽԻՔԸ

4.1 Վաճառողը երաշխավորում է մատակարարված ապրանքի որակի համապատասխանությունը պետական ստանդարտի պահանջներին:

4.2 Ապրանքների համար երաշխիքային ժամկետ է սահմանվում համաձայն սույն պայմանագրի Հավելված 1.1-ի: Եթե երաշխիքային ժամկետի ընթացքում ի հայտ են եկել մատակարարված ապրանքի թերություններ, ապա Վաճառողը պարտավոր է իր հաշվին, Գնորդի կողմից սահմանված ողջամիտ ժամկետում վերացնել թերությունները:

#### 5. ԱՊՐԱՆՔԻ ՀԱՆՁՆՈՒՄԸ ԵՎ ԸՆԴՈՒՆՈՒՄԸ

5.1 Մատակարարված ապրանքն ընդունվում է Գնորդի և Վաճառողի միջև հանձնման-ընդունման արձանագրության ստորագրմամբ: Ապրանքը Գնորդին հանձնելու փաստը ֆիքսվում է Գնորդի և Վաճառողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ապրանքի մատակարարման համար նախատեսված օրը ներառյալ Վաճառողը Գնորդին է տրամադրում իր կողմից ստորագրված՝ ապրանքը Գնորդին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է [www.procurement.am](http://www.procurement.am) հասցեով գործող կայքի «Էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Վաճառողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է [www.procurement.am](http://www.procurement.am) հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

5.2 Եթե մատակարարված ապրանքը համապատասխանում է պայմանագրի պայմաններին, Գնորդը պայմանագրի 5.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Վաճառողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

5.3 Եթե մատակարարված ապրանքը կամ դրա մի մասը չի համապատասխանում պայմանագրի պայմաններին, ապա Գնորդը չի ստորագրում հանձնման-ընդունման արձանագրությունը և պայմանագրի 5.2 կետում նշված ժամկետում էլեկտրոնային գնումների armeps համակարգի միջոցով Վաճառողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Գնորդը ձեռնարկում է նման իրավիճակի համար պայմանագրով նախատեսված միջոցները և Վաճառողի նկատմամբ կիրառում է պայմանագրով նախատեսված պատասխանատվության միջոցները:

5.4 Եթե պայմանագրի 5.2 կետով սահմանված ժամկետում Գնորդը չի ընդունում մատակարարված ապրանքը կամ չի մերժում դրա ընդունումը, ապա մատակարարված ապրանքը համարվում է ընդունված և պայմանագրի 5.2 կետով սահմանված վերջնաժամկետին հաջորդող աշխատանքային օրը Գնորդը էլեկտրոնային գնումների համակարգի միջոցով Վաճառողին է տրամադրում իր կողմից ստորագրված հանձնման-ընդունման արձանագրությունը:

#### 6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1 Վաճառողը պատասխանատվություն է կրում հանձնած ապրանքի որակի և պայմանագրով նախատեսված մատակարարման ժամկետների պահպանման համար:

6.2 Վաճառողի կողմից պայմանագրով նախատեսված ապրանքի մատակարարման ժամկետների խախտման դեպքում Վաճառողից յուրաքանչյուր ուշացված աշխատանքային օրվա համար գանձվում է տույժ՝ մատակարարման ենթակա, սակայն չմատակարարված ապրանքի գնի 0,05 (զրո ամբողջ հինգ հարյուրերորդական) տոկոսի չափով:

6.3 Պայմանագրի 1.1 կետում նշված տեխնիկական բնութագրին չհամապատասխանող ապրանք մատակարարելու յուրաքանչյուր դեպքում Վաճառողից գանձվում է տուգանք՝ պայմանագրի գնի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև ապրանքի մատակարարումը սույն պայմանագրով սահմանված ժամկետում կատարելու, սակայն պատվիրատուի կողմից այդ չընդունվելու դեպքում: Եթե պայմանագիրը կնքվել է «Գնումների մասին» ՀՀ օրենքի 15-րդ հոդվածի 6-րդ կետի հիման վրա, ապա տուգանքը հաշվարկվում է այն համաձայնագրի գնի նկատմամբ, որի շրջանակում արձանագրվել է ստանձնված պարտավորությունների չկատարման կամ ոչ պատշաճ կատարման հանգամանքը: Եթե պայմանագիրը ներառում է մեկից ավել չափաբաժին, ապա տուգանքը հաշվարկվում է պայմանագրով այդ չափաբաժնի համար սահմանված ընդհանուր գնի նկատմամբ:

6.4 Պայմանագրի 6.2 և 6.3 կետերով նախատեսված սույժը և տուգանքը հաշվարկվում և հաշվանցվում են Վաճառողին վճարման ենթակա գումարների հետ:

6.5 Գնորդի կողմից պայմանագրի 3.3 կետով նախատեսված ժամկետի խախտման համար Գնորդի նկատմամբ յուրաքանչյուր ուշացված աշխատանքային օրվա համար հաշվարկվում է սույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## 8. ԱՅԼ ՊԱՅՄԱՆՆԵՐ

8.1 Պայմանագիրն ուժի մեջ է մտնում Կողմերի ստորագրման պահից և գործում է մինչև կողմերի՝ պայմանագրով ստանձնած պարտավորությունների ողջ ծավալով կատարումը:

8.2 Պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

8.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ պայմանագիրը կնքելու նպատակով կազմակերպված գնման գործընթացում, մինչև պայմանագրի կնքումը, Վաճառողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Գնորդը միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Գնորդը չի կրում պայմանագրի միակողմանի լուծման հետևանքով Վաճառողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Գնորդի կրած վնասներն այն ծավալով, որի մասով պայմանագիրը լուծվել է:

8.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

8.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ապրանքի ծավալների կամ ձեռք բերվող ապրանքի միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

8.8 Ապրանքի մատակարարման ժամկետը կարող է երկարաձգվել մինչև պայմանագրով այդ ժամկետը լրանալը՝ Վաճառողի առաջարկության առկայության դեպքում, պայմանով, որ Գնորդի մոտ չի վերացել ապրանքի օգտագործման պահանջը, իսկ Վաճառողի առաջարկությունը ներկայացվել է ոչ ուշ, քան պայմանագրով ի սկզբանե մատակարարման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում ապրանքի մատակարարման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

8.9 Պայմանագրի պատշաճ կատարման պայմաններում կողմերի (Վաճառող կամ Գնորդ) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Վաճառողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Վաճառողը:

8.10 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական հատկացումների նվազեցումը:

8.11 Վաճառողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Գնորդը հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Վաճառողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուց հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Գնորդը այն ուղարկվում է նաև Վաճառողի էլեկտրոնային փոստին: 8.12 Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

8.13 Պայմանագիրը կազմված է \_\_\_\_\_ էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկական օրինակ: Պայմանագրի N 1, N 2, N 3 և N 3.1 հավելվածները, համարվում են պայմանագրի անբաժանելի մասը:

8.14 Պայմանագրի հետ կապված հարաբերությունների նկատմամբ կիրառվում է Հայաստանի Հանրապետության իրավունքը:

## 9. Կողմերի հասցեները, բանկային վավերապայմանները և ստորագրությունները

### ԳՆՈՐԴ

Մեծամորի համայնքապետարան  
ՀՀ Արմավիրի մարզի Մեծամոր համայնքի  
վարչական կենտրոն 1  
ՀՀ ՖՆ գործառնական վարչություն  
Հ/Հ 900335239373  
Հ/Հ 04440608

համայնքի ղեկավար \_\_\_\_\_ Մ. Խաչատրյան



### ՎԱՃԱՌՈՂ

«Օրգանիկ Մինի-Բորսա» ՍՊԸ  
ՀՀ, ք. Երևան, 0014, Ն. Տիգրանյան 15-17  
«Ինտերբանկ» ՓԲԸ  
Հ/Հ 2050422265921002  
Հ/Հ 00149291

տնօրեն \_\_\_\_\_ Մարինա Ալոյան



ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ

ՀՀ դրամ

հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	ապրանքային նշանը, մակիշը և արտադրողի անվանումը *	Ապրանքի					մատակարարման		
				տեխնիկական բնութագիրը	չափման միավորը	միավոր գինը/ՀՀ դրամ	ընդհանուր գինը/ՀՀ դրամ	ընդհանուր քանակը	հասցեն	ենթակա քանակը	Ժամկետը
1	42414700/502	վերելակ	FUJI ZJFJ-001 "ZHEJIANG FUJI Co" ltd	ներկայացված է ստորև	հատ	9480000	47400000	5	Արմավիրի մարզ, քաղաք Մեծամոր 1-ին թաղամաս 4 Բ1, 6 Բ1, 8 Բ1, 8 Բ2 և 2 Բ	5	Պայմանագիրը ուժի մեջ մտնելու օրվանից սկսած մինչև 120 օրացուցային օրվա ընթացքում

\* Վաճառողը Գնորդին ներկայացնում է նաև ապրանքն արտադրողից կամ վերջինիս ներկայացուցչից երաշխիքային նամակի կամ համապատասխանության սերտիֆիկատ:

**ԳՆՈՐԴ**

Մեծամորի համայնքապետարան  
 ՀՀ Արմավիրի մարզի Մեծամոր համայնքի  
 վարչական կենտրոն 1

ՀՀ ՖՆ գործառնական վարչություն

Հ/Հ 900335239373

ՀՎՀՀ 04440608

համայնքի ղեկավար \_\_\_\_\_ Խաչատրյան

/ստորագրություն/



«Օրգանիկ Մինի-Բորսա» ՍՊԸ

ՀՀ, ք. Երևան, 0014, Ն. Տիգրանյան 15-17

«Ինելկորանկ» ՓԲԸ

h/h 2050422265921002

Հ/Հ 04440608149291

տնօրեն \_\_\_\_\_

Արհիմա Ալոյան



### Վերելակ վերին մեքենայական սրահով

Տիպը մարդատար

Դռների բացվածքը պարտադիր պետք է լինի 800 մմ, նախատեսված սահմանափակ շարժունակությամբ անձանց համար

ա) ըստ չափագրման կարող է լինել 800 մմ-ից ավելին

բ) **Դռների բացվածքի 800 մմ ապահովելու անհնարինության դեպքում 800 մմ-ից պակաս յուրաքանչյուր դեպքի համար պատվիրատուի և պետական լիազորված մարմնի հետ համատեղ իրականացնել չափագրում: Սակայն դռների բացվածքը կախված հորանի չափերից, պակաս չպետք է լինի 700մմ-ից :**

Դռների բարձրություն 2000 մմ

Գլխավոր էլեկտրոշարժիչը VVVF համակարգ

Արագությունը 1մ/վ

Հարկերի դռները մետաղյա, փոշեներկված

Կանչի ապարատ մետաղական, կոճակները հակավանդալ, լույսով

Հարկային ցուցիչ /բոլոր հարկերում / լուսային

### Էլեկտրոնային կառավարման Վահանակը

Պարտադիր պետք է ունենա տեղեկատվության փոխանցման հանգույց, որը կունենա տվյալների փոխանցման մոդուլ տեղադրելու հնարավորություն

### Վերելակի խցիկը

Պատերը և դռները մետաղյա, փոշեներկված, խցիկը և հարկային դռները ներկված միևնույն գույնով (բաց մոխրագույն)

հրամանի վահանակը չժանգոտող մետաղից, կանչի կոճակների հասանելիությունը հատակից /900-1200մմ / նախատեսված սահմանափակ կարողությամբ անձանց համար

կոճակները մետաղական , հակավանդալ, լույսով, սահմանափակ տեսողությամբ անձանց համար /Բրայլի շրիֆտ/

հարկային ցուցիչ ձայնային ազդանշանով

հատակը տարկետ

Պետք է ունենա՝

- հայելի
- բռնակ՝ չժանգոտվող մետաղից
- Ֆոտովարագույր, դռների ամբողջ բարձրությամբ,
- խցիկի դռների VVVF համակարգ,
- լեդ լուսավորություն

- օդափոխության համակարգ
- ուղևորների տարհանման համակարգ՝ ներառյալ վերելակի հոսանքի մատակարարման սնման աղբյուրից անջատման դեպքում վերելակի սահուն կանգառի և ուղևորների տարհանման ապահովման /վերև կամ ներքև/ նպատակով լրացուցիչ հոսանքի սնման սարքի տեղադրում
- խցիկի ծանրաբեռնվածության խոսակցական հաղորդիչ հայերեն լեզվով
- վերելակից օգտվելու կանոնները հայերեն լեզվով
- նշում արտադրման տարեթվի մասին

### **Հին վերելակի փոխարինում**

- հին վերելակի ապամոնտաժում, ապամոնտաժված թափոնների բեռնում և հանձնում/տեղափոխում Մեծամոր համայնքի տարածքում պատվիրատուի կողմից նշված հասցե:
- վերելակի հակակշռի ամբողջական փոխարինում և ամրացում առավելագույնը 1.5 մետր հեռավորությամբ
- վերելակի խցիկի ուղղորդիչների ուղղում և ամրացում առավելագույնը 1.5 մետր հեռավորությամբ
- վերելակի տեղադրում- կարապիկի տակ տեղադրել տաշտածև հեծան համապատասխան արտադրողի կողմից ստացված տեխնիկական պարամետրերում նշված ուժերի հիման վրա/ առնվազն N14 պրոֆիլի /
- դռների բացվածքի մեծացում՝ հին վերելակի ապամոնտաժման ընթացքում դռների բացվածքի չափսերի ապահովումը պետք է իրականացվի սղոցի հատումով և առաջացած անհարթությունների և խոռոչների հարթեցում սվաղի միջոցով
- յուրաքանչյուր հարկի վերելակի դռների հին շրջանակների ապամոնտաժում և նորի տեղադրում /թիթեղ-1.0մմ ոչ պակաս/
- վերելակի շեմի նորոգում /ըստ տեղային անհրաժեշտության՝ շաղախ կամ մետաղյա թիթեղ-5մմ ոչ պակաս/
- վերելակի խցիկի արտաքին առաստաղի վրա և հորանի յուրաքանչյուր հարկի լուսավորության մոնտաժում
- նոր տեղադրված վերելակի էլեկտրաէներգիայի սնման կետից մինչև վերելակի մեքենայական սրահ հոսանքի նոր մալուխի անցկացում, նաև երկու վերելակի առկայության պարագայում հոսանքի մեկ աղբյուրից մեկ մալուխով սնման դեպքում առանձնացնել սնող մալուխները՝ յուրաքանչյուր վերելակին հատկացնելով առանձին սնող նոր մալուխ, մատակարարի(օպերատորի) հետ համաձայնեցված տեխնիկական նորմերին համապատասխան:
- մրցույթի արդյունքում ընտրված մասնակիցը պարտավոր է իրականացնել նոր վերելակի տեղադրման ընթացքում ըստ անհրաժեշտության ի հայտ եկած բոլոր ընթացիկ աշխատանքները՝ ներառյալ հորանների պատերի հատում և համահարթեցում, հիմնական ուղղորդիչների ապամոնտաժում, ժանգից մաքրում, ուղղում, պաշտպանիչ նյութերով պատում, տեղափոխում և հատուկ ամրակներով կրկին մոնտաժում, հակակշիռների ուղղորդիչների փոխարինում, հակակշիռների բետոնե քարերի փոխում նորով և այլն:

### **Վերելակների փոխարինման և սպասարկման անհրաժեշտ պայմաններ**

- Կազմակերպությունը պետք է առաջնորդվի ՀՀ կառավարության 09.02.2006թ. թիվ 692-Ն որոշումով՝ ուժի մեջ մտած «Վերելակների և դրանց շահագործման անվտանգության պահանջների» Տեխնիկական կանոնակարգի համաձայն
- Կազմակերպությունը պետք է ունենա համապատասխան /էներգետիկ ոլորտի/ լիցենզիա և վերելակների անվտանգ սպասարկումն իրականացնող որակավորված աշխատակիցներ:

Մրցույթին մասնակցել ցանկացողը պարտավոր է նախքան մրցույթին հայտ ներկայացնելը մրցույթի փաթեթում ներկայացված հասցեներում սեփական ուժերով կատարել ըստ տեխնիկական բնութագրի իրեն անհրաժեշտ բոլոր ուսումնասիրությունները և թերություններ և /կամ/ անհամապատասխանություն հայտնաբերելու դեպքում գրավոր տեղեկացնել Պատվիրատուին:

Մրցույթի արդյունքում ընտրված մասնակիցը իր միջոցներով պարտադիր պետք է ըստ հասցեների կատարի վերելակի բոլոր պարամետրերի չափագրում /հորանի չափը, դռների բացվածքը, դռների բարձրությունը, վերին հարկի բարձրությունը, բարձրացման բարձրությունը և ըստ անհրաժեշտության այլ հավելյալ չափագրումները/:

Ընտրված մասնակիցը կրում է նշված չափագրումների արդյունքների ճշտության և ըստ դրանց տեղադրվող վերելակի համապատասխանության ողջ պատասխանատվությունը:

- Մրցույթի արդյունքում ընտրված մասնակիցը պարտավոր է կատարել յուրաքանչյուր հին վերելակի ապամոնտաժման և նոր վերելակի տեղադրման ողջ ժամանակահատվածում սպառած էլեկտրաէներգիայի դիմաց վճարումները:
  - Յուրաքանչյուր վերելակի տեղադրման /հնի ապամոնտաժում , նորի տեղադրում , նոր վերելակի փորձարկումով կարգավորում և շահագործում / առավելագույն ժամկետը սահմանվում է 40 աշխատանքային օր ` բացառությամբ պատվիրատուի կողմից հիմնավոր համարված խոչընդոտների առկայության դեպքում:
  - Յուրաքանչյուր վերելակի փոխարինման աշխատանքների մեկնարկի վերաբերյալ համատեղ կազմվում է արձանագրություն պայմանագրի կողմի և պատվիրատուի միջև:
- Մրցույթի արդյունքում ընտրված մասնակիցը յուրաքանչյուր վերելակի փոխարինման ավարտից հետո պետք է ներկայացնի նոր տեղադրված վերելակի տեխնիկական անվտանգության փորձաքննության եզրակացություն և վերելակի անձնագիր:

Կատարված աշխատանքը կարող է ընդունվել միայն պետական լիազոր մարմնի կողմից տրված դրական եզրակացության առկայության դեպքում:

Երաշխիք, ամիս 24 /տեղադրումից հետո/

Սպասարկում, ամիս 12 /տեղադրումից հետո/

### **Տեխնիկական սպասարկման աշխատանքներ**

- հորանի սարքավորումների վրա առաջացած աղբի հեռացում ( ամիսը մեկ անգամ)
- վերելակի աշխատանքի ստուգում հարկային կանչերի և խցիկի ներսի կոճակներով, կարգավորում ( ամիսը մեկ անգամ)
- էլեկտրական սարքավորումների դիտարկում , մաքրում փոշուց և աղտոտվածությունից ( ամիսը մեկ անգամ)
- էլեկտրական թողարկիչների և ռելեների կոնտակտային համակարգի ստուգում (ամիսը մեկ անգամ)
- հորանային դռների աշխատեցման մեխանիկական համակարգի և նրանց փականների ստուգում, կարգավորում ( ամիսը մեկ անգամ)
- հորանային դռների համակարգի մեջ մտնող էլեկտրական վերջնային անջատիչների ստուգում ( ամիսը մեկ անգամ)
- խցիկի դռների մեխանիկական և էլեկտրական համակարգի ստուգում,կարգավորում ( ամիսը մեկ անգամ)
- խցիկի և հորանի դռների աշխատանքի ստուգում միավորված ռեժիմում, կարգավորում ( ամիսը մեկ անգամ)
- տվիչների և դրոշակների ստուգում միավորված ռեժիմում վերելակի ընթացքի ժամանակ ( ամիսը մեկ անգամ)
- խցիկի դռների դիտարկում աշխատանքի ընթացքի ժամանակ, կարգավորում ( ամիսը մեկ անգամ)
- վերելակի հորանի լուսավորության ստուգում (3 ամիսը մեկ անգամ)
- կարապիկի և էլեկտրական սարքավորումների ստուգում աշխատանքի ընթացքում, անհրաժեշտության դեպքում կարգավորում (3 ամիսը մեկ անգամ)
- արգելակների ստուգում (զսպանակների ամբողջականությունը, հողակապերի միացումը, լծակները, մեջղիրների մաշվածության աստիճանը) անհրաժեշտության դեպքում կազմվում (3 ամիսը մեկ անգամ)
- հորանի էլ.մալուխների վիճակի ստուգում (3 ամիսը մեկ անգամ)


- պողպատյա ճոպանների ամրացման կետերի համակարգի մեջ մտնող զսպանակների ամբողջականության ստուգում և բալանսի կարգավորում (3 ամիսը մեկ անգամ)
- արագության սահմանափակման ճոպանի ձգման ստորահորանում գտնվող սարքի ստուգում, կարգավորում (3 ամիսը մեկ անգամ)
- խցիկի և հակակշռի ուղղորդիչների յուղման համակարգի, փոխանցման տուփի յուղի մակարդակի ստուգում (3 ամիսը մեկ անգամ)
- խցիկի առաջին և վերջին հարկերում գտնվելու խախտվածության վթարային անջատիչի ստուգում, կարգավորում: (3 ամիսը մեկ անգամ)
- մետաղական ճոպանների միացման համակարգի ստուգում (3 ամիսը մեկ անգամ)
- խցիկի աշխատանքի սահունության դիտարկում, կարգավորում (3 ամիսը մեկ անգամ)
- մեքենայական սրահի բոլոր էլ.սարքավորումների ամբողջական դիտարկում , շարժական սարքավորումների լարերի միացման ստուգում (3 ամիսը մեկ անգամ)
- հիմնական ճոպանատար անիվի ակոսների մաշվածության ստուգում (6 ամիսը մեկ անգամ)
- արագության սահմանափակման գլխիկի անիվի ճոպանի ակոսի մաշվածության ստուգում (6 ամիսը մեկ անգամ)
- ճոպանների մաշվածության ստուգում (6 ամիսը մեկ անգամ)
- խցիկի և հակակշռի ուղղորդիչների ամրացվածության ստուգում, ամրացում (6 ամիսը մեկ անգամ)
- հեղյուսային միացումների դիտարկում, կարգավորում (6 ամիսը մեկ անգամ)
- բարձացնող ճոպանների վթարային իրավիճակում գտնվելու ժամանակ անհրաժեշտ անվտանգության սարքավորումների աշխատանքի ստուգում, կարգավորում(6 ամիսը մեկ անգամ)
- խցիկի անկման որսիչների դիտարկում և մասնակի ստուգում, կարգավորում (6 ամիսը մեկ անգամ)
- վերելակի վերամբարձ կարապիկի դիտարկում (6 ամիսը մեկ անգամ)
- ուղևորների տարհանում՝ ըստ անհրաժեշտության և ստեղծված իրավիճակի:
- տեխնիկական սպասարկման պահանջներին և ժամկետներին համապատասխան աշխատանքների ավարտից հետո յուրաքանչյուր վերելակի վերաբերյալ կազմվում է արձանագրություն սպասարկող կազմակերպության ներկայացուցչի և շենքի կառավարման մարմնի կողմից լիազորված ընթացիկ սպասարկում իրականացնող մասնագետի համատեղ ստորագրությամբ:
- մրցույթի արդյունքում ընտրված կազմակերպությունը նոր վերելակի տեղադրումից հետո պարտավոր է վերելակի ընթացիկ սպասարկումն իրականացնող կազմակերպությունների մասնագետներին ծանոթացնել նոր վերելակի՝ըստ տեխնիկական անձնագրի , ամբողջ կառուցվածքին,շահագործման մեխանիզմին և կազմակերպել մասնագիտական ուսուցում նոր վերելակի ընթացիկ շահագործման և սպասարկման պահանջների պահպանման վերաբերյալ:
- Ապրանքը պետք է համապատասխանի որակի նկատմամբ պահանջներին, որոնք սահմանվում են տեխնիկական կանոնակարգով ստանդարտացման ոլորտում փաստաթղթերին, պետական ստանդարտներին, որոնք կիրառվում են այդպիսի ապրանքների համար:
- Ապրանքը պետք է մինչ այդ շահագործման մեջ եղած չլինի Մատակարարի և (կամ) երրորդ անձանց մոտ, մինչ այդ ենթարկված չլինի վերանորոգման, նորացման կամ վերականգնման, չպետք է գտնվի գրավի, արգելանքի կամ այլ ծանրաբեռնության տակ:
- Ապրանքի վրա չպետք է լինեն մեխանիկական վնասվածքների հետքեր, ինչպես նաև մատակարարվող Ապրանքի պաշտոնական նկարագրությանն այլ անհամապատասխանություններ:
- Գնման ընթացակարգի տեխնիկական բնութագրերին կից՝ ըստ հասցեների տրամադրվում է գնման առարկայի համար սահմանված չափորոշիչները:
- Մրցույթի արդյունքում ընտրված մասնակիցը պարտավոր է ներկայացնել վերելակների ծագման համալիր սերտիֆիկատ

Հ/Հ	Հասցե /մուտք/	Բեռնատարողությունը /կգ/	Հարկայնութ յունը /հարկ/	Կանգառների թիվը
1	2	3	4	5
Արմավիրի մարզ, քաղաք Մեծամոր 1-ին թաղամաս				
1	4 Բ1	400	10	9
2	6 Բ1	400	10	9
3	8 Բ1	400	10	9
4	8 Բ2	400	10	9
5	2 Բ	400	10	9

Փոխարինվող վերելակների ընդհանուր քանակը 5

### ԳՆՈՐԴ


Մեծամորի համայնքապետարան  
 ՀՀ Արմավիրի մարզի Մեծամոր համայնքի  
 վարչական կենտրոն 1  
 ՀՀ ՖՆ գործառնական վարչություն  
 Հ/Հ 900335239373  
 ՀՎՀՀ 04440608

համայնքի ղեկավար  Վ. Խաչատրյան  
 /ստորագրություն/



### ՎԱՃԱՌՈՂ

«Օրգանիկ Մինի-Բորսա» ՍՊԸ  
 ՀՀ, ք. Երևան, 0014, Ն. Տիգրանյան 15-17  
 «Ինելկոբանկ» ՓԲԸ  
 h/h 2050422265921002  
 ՀՎՀՀ՝ 00149291

տնօրեն  Արինա Ալոյան  
 /ստորագրություն/



**ՎՃԱՐՄԱՆ ԺԱՄԱՆԱԿԱՑՈՒՅՑ\***

Ապրանքի																		
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	դիմաց վճարումները նախատեսվում է հրականացնել 2022թ-ին՝ ըստ ամիսների. այդ թվում												Ընդամենը			
			հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր				
1	42414700/502	վերելակ											39,000,000.00	39,000,000.00	39,000,000.00	39,000,000.00	47,400,000.00	47,400,000.00

\*Վճարման ենթակա գումարները ներկայացվելու են աճողական կարգով:

**ԳՆՈՐԴ**

Մեծամորի համայնքապետարան  
 ՀՀ Արմավիրի մարզի Մեծամոր համայնքի  
 վարչական կենտրոն 1  
 ՀՀ ՖՆ գործառնական վարչություն  
 Հ/Հ 900335239373  
 Հ/Հ 04440608  
 համայնքի ղեկավար /տնօրենություն/ Վ. Խաչատրյան  
 Կ.Տ.



**ՎԱՃԱՌՈՂ**

«Օրգանիկ Մինի-Բորսա» ՍՊԸ  
 ՀՀ, ք. Երևան, 0014, Ն. Տիգրանյան 15-17  
 «Ինվեստնեկ» ՓԲԸ  
 Պ/Խ՝ 2050422265921002  
 Հ/Հ՝ 00149291  
 տնօրեն /տնօրենություն/ Սարինա Ալոյան  
 Կ.Տ.



Պայմանագրի կողմ  
\_\_\_\_\_  
\_\_\_\_\_  
գտնվելու վայրը \_\_\_\_\_  
հհ \_\_\_\_\_  
հվհհ \_\_\_\_\_

Պատվիրատու  
\_\_\_\_\_  
\_\_\_\_\_  
գտնվելու վայրը \_\_\_\_\_  
հհ \_\_\_\_\_  
հվհհ \_\_\_\_\_

**ԱՐՁԱՆԱԳՐՈՒԹՅՈՒՆ N**  
**ՊԱՅՄԱՆԱԳՐԻ ԿԱՍ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ**  
**ՀԱՆՁՆՄԱՆ-ԸՆԴՈՒՆՄԱՆ**

«    » «    » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ «    » «    » 20 թ.

Պայմանագրի համարը՝ \_\_\_\_\_

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ «    » «    » 20 թ. դրությամբ գրված N \_\_\_\_\_ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատակարարել է հետևյալ ապրանքները՝

N	անվանումը	տեխնիկական բնութագրի համառոտ շարադրանքը	Մատակարարված ապրանքների				Վճարման ենթակա գումարը /հազար դրամ/	Վճարման ժամկետը /ըստ վճարման ժամկացույցի/
			քանակական ցուցանիշը		կատարման ժամկետը			
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ապրանքը հանձնեց  
\_\_\_\_\_  
ստորագրություն  
\_\_\_\_\_  
ազգանուն, անուն  
Կ.Տ.

Ապրանքը ընդունեց  
\_\_\_\_\_  
ստորագրություն  
\_\_\_\_\_  
ազգանուն, անուն  
Կ.Տ.

ԱԿՏ N \_\_\_\_\_  
պայմանագրի արդյունքը Գնորդին հանձնելու փաստը ֆիքսելու վերաբերյալ

Սույնով արձանագրվում է, որ \_\_\_\_\_-ի (այսուհետ՝ Գնորդ) և \_\_\_\_\_  
(այսուհետ՝ Վաճառող) միջև 20 թ. \_\_\_\_\_-ին կնքված N \_\_\_\_\_  
պայմանագրի կնքման ամսաթիվը \_\_\_\_\_ պայմանագրի համարը \_\_\_\_\_  
պայմանագրի շրջանակներում Վաճառողը 20 թ. \_\_\_\_\_-ին հանձնման-ընդունման  
նպատակով Գնորդին հանձնեց ստորև նշված ապրանքները.

Ապրանքի		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

\_\_\_\_\_  
ազգանուն, անուն  
\_\_\_\_\_  
Ստորագրություն

Ընդունեց

հայտը նախագծած ներկայացուցիչ՝

\_\_\_\_\_  
ազգանուն, անուն  
\_\_\_\_\_  
ստորագրություն